

ACTA DA SESIÓN EXTRAORDINARIA DA XUNTA DE GOBERNO LOCAL DO DÍA 13 DE SETEMBRO DE 2024

SEÑORES/AS ASISTENTES:

ALCALDE:

Don José Luís Camiñas Vázquez

CONCELLEIROS/AS:

Don Alberte Lamazares Casero

Dona Begoña Vázquez López

SECRETARIO:

Don José María Novo Ramos

Na Casa do Concello de Rodeiro, a trece de setembro de dous mil vinte e catro, reunidos en primeira convocatoria os/as señores/as concelleiros/as que á marxe se citan, baixo a presidencia do Sr. alcalde-presidente Don José Luís Camiñas Vázquez, asistido do secretario da Corporación que subscribe, tivo lugar a sesión extraordinaria da Xunta de Goberno Local, ao efecto

convocada, e sendo as dez horas corenta e cinco minutos deuse inicio á mesma, pasándose ao estudo dos asuntos incluídos na Orde do Día, e adoptándose os seguintes ACORDOS:

1.- ACTA ANTERIOR

Dada conta do borrador da acta da sesión ordinaria do día 10 de setembro de 2024, foi aprobado por unanimidade dos/as Sres./as. concelleiros/as presentes.

2.- APROBACIÓN DO EXPEDIENTE DE CONTRATACIÓN E APERTURA DO PROCEDIMENTO DE ADXUDICACIÓN DA OBRA DENOMINADA “CONSTRUCCIÓN DE CUBERTA EN PISTA DE PÁDEL EXISTENTE”

A Xunta de Goberno Local, na sesión celebrada o día 28 de agosto de 2024, adoptou o acordo de inicio do expediente de contratación da obra denominada “CONSTRUCCIÓN DE CUBERTA EN PISTA DE PÁDEL

EXISTENTE”. En virtude do acordado, e de conformidade co establecido na Lei 9/2017, do 8 de novembro, de contratos do Sector Público (LCSP), incorporáronse ao expediente os seguintes documentos:

- Acta de trazado previo, asinada con data 18 de marzo de 2024.
- Prego de cláusulas administrativas particulares, informado de xeito favorable pola Secretaría municipal.
- Certificación de existencia de crédito expedida pola Intervención municipal.

Xa que logo, debidamente informados e de conformidade co establecido no artigo 117 da LCSP, a Xunta de Goberno Local, por unanimidade dos/as Sres./as. concelleiros/as asistentes, adopta o seguinte ACORDO:

Primeiro.- Aprobar o expediente de contratación da obra de “CONSTRUCCIÓN DE CUBERTA EN PISTA DE PÁDEL EXISTENTE”.

Segundo.- Aprobar o prego de cláusulas administrativas particulares que rexerá a licitación.

Terceiro.- Aprobar o correspondente gasto, por importe de 64.999,97 €, con cargo á partida correspondente do orzamento xeral en vigor.

Cuarto.- Iniciar o procedemento de adxudicación da obra, publicando o correspondente anuncio de licitación no perfil do contratante do Concello, de conformidade co disposto no artigo 135 e concordantes da LCSP.

3.- ACEPTACIÓN DE CESIÓN GRATUÍTA DE USO DE PARCELA CON DESTINO Á MELLORA DA COBERTURA DAS COMUNICACIÓNS MÓBILES NO CONCELLO

ANTECEDENTES

1º.- Por acordo deste órgano, adoptado na sesión celebrada o día 12 de febreiro de 2020, autorizouse a adhesión do Concello ao Convenio de colaboración suscrito o día 20 de decembro de 2019 entre a AMTEGA e a FEGAMP para a posta en marcha de actuacións encamiñadas a mellorar a cobertura de comunicacións móbiles no rural de Galicia.

2º.- Entre os compromisos que o Concello debe asumir en virtude da adhesión autorizada está, entre outros, a *“cesión de uso de ditas parcelas á Xunta de Galicia a custe cero, por un período de cando menos 15 anos, para a execución, de ser o caso, das infraestruturas de soporte ás redes de comunicación móbil precisas, condicionadas a un uso efectivo das mesmas nun prazo máximo de 3 anos dende a formalización de dita cesión”*.

3º.- O Concello vén de realizar numerosas xestións a fin de acadar a cesión de parcelas de propiedade particular, dada a carencia de propiedades públicas axeitadas, para satisfacer o fin de interese público da mellora da cobertura móbil neste termo municipal.

4º.- Entre as xestións realizadas, o Concello dirixiuse en data 2 de xullo do corrente ao Bispado de Lugo solicitando a cesión dunha superficie nunha parcela da súa propiedade situada nas inmediacións do lugar de Calque, parroquia do Salto, que resulta idónea para o fin público a satisfacer.

5º.- A Diocese de Lugo, por escrito de data 28 de agosto do corrente (RE-E núm. 493), accede á cesión de uso solicitada.

FUDAMENTOS XURÍDICOS

Primeiro.- Entre as competencias propias dos municipios establecidas legalmente está, entre outras, *“a promoción no seu termo municipal da participación dos cidadáns no uso eficiente e sostible das tecnoloxías da información e as comunicacións”* (artigo 25.2 ñ) da Lei 7/1985, do 2 de abril, Reguladora das Bases do Réxime Local). Para acadar dito obxectivo resulta imprescindible dispor dunhas infraestruturas de comunicación axeitadas que satisfagan ás necesidades da veciñanza.

Segundo.- O artigo 12.1 do Real Decreto 1372/1986, do 13 de xuño, polo que se aproba o Regulamento de Bens das Entidades Locais, dispón textualmente: *“A adquisición de bens a título gratuito non estará suxeita a restrición algunha”*.

Debidamente informados de canto antecede, a Xunta de Goberno Local, por unanimidade dos/as Sres./as. concelleiros/as asistentes, adopta o seguinte:

ACORDO

Primeiro.- Aceptar a cesión gratuíta de uso, polo período de quince anos, do seguinte ben inmoble:

TITULAR: DIOCESE DE LUGO

CIF: ██████████

DOMICILIO SOCIAL: LUGO

REFERENCIA CATASTRAL: 36047A007001530000PF

LUGAR: CALQUE

PARROQUIA: O SALTO

SUPERFICIE TOTAL DA PARCELA: 1.844,00 m²

SUPERFICIE CEDIDA: 81,00 m²

FINALIDADE: Instalación de antena de telefonía móbil (Convenio AMTEGA-FEGAMP)

Segundo.- Agradecer expresamente á Diocese de Lugo a súa dispoñibilidade e colaboración co Concello na satisfacción do interese público concernido.

Terceiro.- Facultar expresamente ao Sr. alcalde, para que na representación que legalmente ostente, asine o correspondente documento de cesión e canta documentación resulte necesaria para a efectividade do acordado.

4.- APROBACIÓN DA ADDENDA AO CONVENIO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA (AMTEGA) E A FEDERACIÓN GALEGA DE MUNICIPIOS E PROVINCIAS (FEGAMP) PARA A POSTA EN MARCHA DE ACTUACIÓNS ENCAMIÑADAS A MELLORAR A COBERTURA DE COMUNICACIÓNS MÓBILES NO RURAL DE GALICIA

ANTECEDENTES

1º.- Por acordo deste órgano, adoptado na sesión celebrada o día 12 de febreiro de 2020, autorizouse a adhesión do Concello ao Convenio de colaboración suscrito o día 20 de decembro de 2019 entre a AMTEGA e a FEGAMP para a posta en marcha de actuacións encamiñadas a mellorar a cobertura de comunicacións móbiles no rural de Galicia.

2º.- Tendo en conta que zonas do ámbito municipal do Concello foron beneficiarias dun proxecto para a mellora da cobertura móbil, cómpre proceder á aprobación dunha Addenda a dito Convenio onde se concreten os compromisos que este Concello debe asumir para a efectividade do mesmo.

Debidamente informados de canto antecede, a Xunta de Goberno Local, por unanimidade dos/as Sres./as. concelleiros/as asistentes, adopta o seguinte:

ACORDO

Aprobar á Addenda ao Convenio de Colaboración entre a Axencia para a Modernización Tecnolóxica de Galicia (AMTEGA) e a Federación Galega de Municipios e Provincias (FEGAMP) para a posta en marcha de actuacións encamiñadas a mellorar a cobertura de comunicacións móbiles no rural de Galicia e, en consecuencia, asumir os seguintes compromisos:

Primeiro.- Reiterar a vontade, manifestada mediante acordo deste órgano de data 12/02/20, de adherirse ao Convenio de colaboración suscrito o 20 de decembro de 2019 entre a Axencia para a Modernización Tecnolóxica de Galicia e a Federación Galega de Municipios e Provincias para a posta en

marcha de actuacións encamiñadas a mellorar a cobertura de comunicacións móbiles no rural de Galicia (en adiante CONVENIO).

Segundo.- Asumir os termos establecidos no CONVENIO, en concreto, comprometerse á posta a disposición da seguinte parcela indicada na solicitude para a execución das infraestruturas de soporte ás redes de comunicacións móbiles precisas para mellorar a cobertura nas zonas identificadas que a continuación se detalla:

- ✓ Superficie de 81,00 m² da parcela con referencia catastral 36047A007001530000PF, situada na paraxe “Coto Rigueira” do lugar de Calque, parroquia do Salto.

Terceiro.- Asumir as seguintes obrigas, segundo o establecido na cláusula décimoquinta do convenio:

- Por a dispor as parcelas (terreos ou infraestruturas existentes) referidas na solicitude de adhesión para a execución, de ser o caso, das infraestruturas de soporte ás redes de comunicación móbil precisas para mellorar a cobertura nas zonas identificadas, entendendo por posta a dispor o cumprimento de todas as seguintes premisas:
 - Cesión de uso de ditas parcelas á Xunta de Galicia a custo cero, por un período de cando menos 15 anos, para a execución, de ser o caso, das infraestruturas de soporte ás redes de comunicación móbil precisas, condicionadas a un uso efectivo das mesmas nun prazo máximo de 3 anos dende a formalización de dita cesión.
 - Colaborar na execución da acometida eléctrica a ditas parcelas nos termos previstos na cláusula décimo quinta do presente Convenio.
 - Garantir a dispoñibilidade de acceso ás citadas parcelas para poder realizar adecuadamente as tarefas de instalación e explotación das infraestruturas e equipamento.
- Facilitar a consecución dos permisos de execución das infraestruturas, redes de comunicación móbil e acometidas

eléctricas precisas para mellorar a cobertura nas zonas identificadas.

- Colaborar no financiamento das actuacións derivadas do presente convenio, nos termos previstos na cláusula décimo quinta do presente Convenio.
- Someterse ás actuacións de comprobación que con respecto á xestión dos fondos do presente convenio pode efectuar a Amtega ou a Consellería do Medio Rural, ás de control orzamentario requiridas pola Intervención Xeral da Comunidade Autónoma de Galicia, o Tribunal de Contas e o Consello de Contas no exercicio das súas funcións de fiscalización e control do destino das axudas, así como os controis que poidan realizar as institucións comunitarias, tendo en conta que se trata de actuacións cofinanciadas parcialmente con fondos comunitarios.
- A sinatura do presente convenio pola entidade local conleva a declaración do cumprimento dos requisitos establecidos para obter a condición de beneficiario, segundo o artigos 10 e 11 da Lei 9/2007, do 13 de xuño, de subvencións de Galicia.
- Acreditar que a entidade local cumpriu o deber de remisión ao Consello de Contas das contas xerais de cada exercicio, de acordo co indicado no artigo 4.1 do Decreto 193/2011, do 6 de outubro.

Cuarto.- Facultar expresamente ao Sr. alcalde para que, na representación que ostenta do Concello, asine a Addenda á Convenio e cantos documentos resulten necesarios para a efectividade do acordado.

5.- DESIGNACIÓN DOS MEMBROS DA MESA DE CONTRATACIÓN DA OBRA DE “MELLORA DE CAMIÑO MUNICIPAL DE ACCESO A PARCELAS AGRÍCOLAS EN ÁLCEME” (EXPEDIENTE PAS-O 3/2024)

De conformidade co establecido na cláusula 17ª do prego de cláusulas administrativas particulares que rexe a licitación do contrato administrativo de obras denominado “*Mellora de camiño municipal de acceso a parcelas agrícolas en Álceme*”, en relación ao disposto no artigo 326 e na DA 2ª, apartado 7, da Lei 9/2017, do 8 de novembro, de contratos do Sector Público

(LCSP), a Xunta de Goberno Local, por unanimidade dos/as Sres./as. concelleiros/as asistentes, adopta o seguinte ACORDO:

Designar como membros da mesa de contratación da obra de *“Mellora de camiño municipal de acceso a parcelas agrícolas en Álceme”* ás seguintes persoas:

PRESIDENTE: José Luís Camiñas Vázquez, alcalde do Concello.

VOGAIS: José M^a Novo Ramos, secretario-interventor do Concello.

Gerardo Abeledo Iglesias, arquitecto técnico municipal.

SECRETARIO: Francisco J. Lamazares García, funcionario do Concello.

6.- AUTORIZACIÓN PARA A INSTALACIÓN DE NOVOS PUNTOS DE ALUMEADO NA REDE PÚBLICA MUNICIPAL

A Xunta de Goberno Local, por unanimidade dos/as Sres./as. concelleiros/as asistentes, acorda autorizar a instalación dos seguintes novos puntos de alumeado na rede pública municipal solicitados polos/as veciños/as que deseguido se sinalan e coa xustificación que os avalan:

1)

SOLICITANTE: JAVIER DIÉGUEZ GARCÍA

DNI: ██████████

DATA: 04/06/24 (RE NÚM. 478)

LUGAR: SAN SALVADOR

PARROQUIA: SAN SALVADOR DE CAMBA

REFERENCIA CATASTRAL: 002002000NH82H0001DW

XUSTIFICACIÓN: Vivenda unifamiliar carente do servizo mínimo obrigatorio de alumeado público (artigo 26.1 a) da Lei de Bases de Réxime Local)

2)

SOLICITANTE: TERESA CAMBEIRO VALLADARES

DNI: ██████████

DATA: 23/08/24 (RE NÚM. 1349)

LUGAR: BARRIO

PARROQUIA: SANTA BAIA DE CAMBA

REFERENCIA CATASTRAL: 001000900NH82B0001WJ

XUSTIFICACIÓN: Vivenda unifamiliar carente do servizo mínimo obrigatorio de alumeadado público (artigo 26.1 a) da Lei de Bases de Réxime Local)

7.- APROBACIÓN DE CERTIFICACIÓN NÚM. 2 DA OBRA DE “HUMANIZACIÓN E MELLORA PEONIL DA RÚA B DE RODEIRO”, INCLUÍDA NO PROGRAMA PON2030

VISTA pola Xunta de Goberno Local a certificación núm. 2 correspondente á obra de “Humanización e mellora peonil da rúa B de Rodeiro”, incluída no Programa PON2030, por importe de TRECE MIL CATROCENTOS SETENTA E OITO EUROS CON VINTE E CATRO CÉNTIMOS (13.478,24 €), por unanimidade ACORDAN:

Primeiro.- Aprobar a certificación da obra asinada polo director de obra Don Antonio Carro Núñez.

Segundo.- Recoñecer a obriga da Administración fronte á sociedade adxudicataria da obra NATURE INFRAESTRUCTURAS Y SERVICIOS S.L., por un importe de 13.478,24 €, con cargo a correspondente partida do orzamento municipal.

Terceiro.- Aprobar a factura núm. 24/054 (FACe), de data 05/09/24, estendida pola adxudicataria polo importe e concepto da certificación que se aproba.

8.- RECOÑECEMENTO DE HORAS EXTRAORDINARIAS A PERSOAL LABORAL TEMPORAL DO CONCELLO

Con data 12 de setembro de 2024 Don Alejandro Bernárdez Vilar, traballador laboral temporal do Concello coa categoría de socorrista da piscina municipal, presentou minuta asinada para o recoñecemento de 7,5 horas extraordinarias realizadas fóra da súa xornada laboral durante o mes de agosto do corrente. A Xunta de Goberno Local, por unanimidade dos/as Sres./as. concelleiros/as asistentes, coa conformidade do Sr. concelleiro-delegado de

Deportes, e en aplicación da Base 23ª do orzamento xeral do Concello para o exercicio de 2017, prorrogado a esta data para o exercicio de 2024, acorda dar a súa aprobación á minuta presentada e recoñecerlle o abono de sete horas e trinta minutos (7,5) en concepto de horas extraordinarias.

9.- FACTURAS E PAGOS

Por unanimidade dos/as membros da Xunta de Goberno Local, apróbanse as seguintes facturas e pagos:

- AGROCAMBA V. FARO S.L. 115,70 €
Por subministro de diverso material de limpeza para edificios municipais, s/factura núm. 24FV 1265.
- OCCIDENT GCO S.A. 488,86 € E 594,76 €
Por seguro anual de vehículos municipais, s/facturas núm. APSPLUS202400002430 e APSPLUS202400002431 (FACe).
- O RODO, S. COOP. GALEGA 35,01 €
Por subministro de sulfatadora para o Concello, s/factura núm. 34530.
- FELIPE LÓPEZ CORRAL 1.671,01 €
Por traballos de reparación da bomba da piscina municipal, s/factura núm. 864.
- JAIME RODRÍGUEZ JORGE 596,77 €
Por diversos traballos de reparacións eléctricas no alumeadado público do Concello, s/factura núm. 57/24.
- JAIME RODRÍGUEZ JORGE 192,14 €, 161,53 €, 198,44 € E 71,22 €
Por reparacións eléctricas no Centro de Saúde, piscina municipal, instalacións municipais e campo de fútbol, s/facturas núm. 56/24, 58/24, 59/24 e 60/24.

- SOCIEDADE GALEGA DO MEDIO AMBIENTE S.A. 4.874,56 € E 5.105,11 €
Por tratamento dos residuos sólidos do Concello nos meses de abril e maio de 2024, s/facturas núm. 2024/1203 e 2024/1420 (FACe).
- MÁIS ESCOLA S.L. 1.634,71 € E 1.634,71 €
Por prestación do servizo de monitor do ximnasio municipal nos meses de xullo e agosto de 2024, s/facturas núm. FAC/778 e FAC/792 e (FACe).
- ALQUILERES LALÍN S.L. 205,70 €
Por aluguer de rodillo compactador para obra municipal, s/factura núm. 24/669.
- O RODO S. COOP. GALEGA 396,00 €
Por traballos de desbroce de estradas municipais, s/factura núm. 312968.

E non tendo máis asuntos que tratar, o Sr. alcalde-presidente dá por rematada a sesión, sendo as once horas trinta e cinco minutos, da que como secretario, estendo a presente e certifico.

O secretario,
(*sinatura dixital*)

O alcalde,
(*sinatura dixital*)